

Izjava ambasadora Upravnog odbora Vijeća za provedbu mira

Ambasadori zemalja članica Upravnog odbora Vijeća za provedbu mira (PIC) sa zabrinutošću su primili k znanju kašnjenja u provedbi strukturalnih mjera dogovorenih u skladu sa *stand-by* aranžmanom sa Međunarodnim monetarnim fondom (MMF). Važno je da se vlasti Federacije Bosne i Hercegovine (FBiH) dogovore o efikasnim mjerama kojima će se ispraviti ovi propusti i time omogućiti da misija MMF-a nastavi razgovore o novom Pismu namjere.

Ambasadori zemalja članica Upravnog odbora PIC-a pozvali su Vladu i Parlament FBiH da ne posustaju i pojačaju svoje aktivnosti na reformi javne potrošnje u FBiH. Ambasadori zemalja članica Upravnog odbora PIC-a apelirali su na njih da nastave provođenje strukturalnih reformi dogovorenih u skladu sa *stand-by* aranžmanom sa MMF-om ka smanjenju javne potrošnje da bi se očuvala održivost javnih finansija u FBiH i zaštitile najugroženije kategorije stanovništva. Ambasadori su takođe sa zabrinutošću konstatirali nedostatak napretka kantona u racionalizaciji javne potrošnje, što i dalje predstavlja prepreku fiskalnoj reformi u FBiH.

Ambasadori zemalja članica Upravnog odbora PIC-a apelirali su na FBiH da i dalje ostane opredijeljena reformskom procesu te očekuju snažno i dalekovidno vođstvo i uključivanje svih političkih stranaka, kao i razumijevanje i solidarnost javnosti.